

Mé pou dominasyon adan sistèm fransé fann  
pa fòsé kaché

Nou pé palé nou pé voté nou pé wouklé

Apa pou sa yo pa kraché si Archimède Gerry,  
Angéla Davis

Dory féminis, an pa séksis

Twòp tan sa ka diré, nou an 2006

DöRY2006

### SOUP-A-KONGO

Nou lyanné yonn a lòt, yonn pou lòt, yonn é lòt  
Nou sé grenn sèl, nou sé zépis,

Gran apa, granman Papa manman, tantann  
tonton, lékouz, zanmi bèl fanni timoun dèwò osi

Andidan lafanni pon moun paka rété dèwò

Nou rivé sanmblé alantou on bon manjé

An kuizin vyé kannari ka fè bon soup

On bon soup-a-kongo anlè difé.

Nou lyanné yonn a lòt, yonn pou lòt, yonn é lòt  
Diférans ka fè moun anbab, mè fanni ka véyé  
si ta-y

Lannou ka grandi mizi-an-mizi pou on jou  
lannou lévé piti

Si yonn tonbé lafanni ka ba-y on pal, rédé-y  
lévé pas fanni ka véyé si ta-y,

Fanni kou-d-zyé véyé si lé pli piti kon chodo  
pou-y pa touné

Fanni véyé si mò a-y tout lannuit chalè a  
wonn èvè kafé

Sonjé lavi ka ba-w mé délé i ka pran, i pé red i  
pé dous an memm tan

I pé dousiné kè a nonm kon douslèt lè-y ka  
fonn,

Fonn douvan ti bébé ka hélé lè-y ka mandé tété  
Nou lyanné yonn a lòt, yonn pou lòt, yonn é lòt  
Fanni sé jaden, nou sé zouti, nou sé gwoten